

## АХТЫ

### Романов Анатолий Петрович (Автор Апросимов А.Д.)

Мин Романов Анатолий Петровичтын 2017 сыллаахха билсибитим. Онно кини сана кэлбит этэ. Миэхэ үлэбэр кэлбитэ, уонна: Туойунан дьарыктанабын дуо?- диэн ыйпыта. Дьэ, ити кэмтэн ыла бииргэ алтыһан, үлэлээн барбыппыт. Бастаан күһүн Короленко хайатыгар мин массыынабынан тийэммит карьертан туойбутун хостообуппут. Анатолий Петрович туойу хайдах булары, арааран ылары үөрэппитэ. Нэдиэлэ аайы Амматаабы оҕо искусствотун оскуолатын дьиэтигэр туойбутун бэлэмниир этибит. Туой буор тиэстэтин бэлэмнээһин үлэлээһин мин онно билбитим. Бастаан хаппыт буору хас да илитэһин, онтон биэдэрэбэ өр да өр тарбаххынан булкуйабын, биир кэлим буолуор диэри. Онтон дьэ танаска кутан эмиэ уһуннук- киэнник сиידэлиибит, ону тэбээһинэ- ыраастааһына эмиэ элбэх сыраны ирдиир. Ол ыраастаммыт убаһаһы аны гиипсэ хаптаҕайыгар кутан сиигин оботтордоххо биирдэ эрэ бэлэм тиэстэ тахсар. Анатолийы көрсүөм иннинэ мин итинник ньымалары билбэт этим. Кэлин, Петрович туой тиэстэтин бэлэмниир ньымаларын өссө судургутан биэрбитим. Инники өттүгэр өссө да тупсарар санаалаахпын. Анатолий Петровичтын туой бэлэмнээһинин таһынан атын да үлэлэри толорор этибит. Ол курдук пластилинна, туойга сыбаан айымньылары онорууга күрэхтэри ытыар этибит. Саас, 2018 сыллаахха Намнаабы педколледж иһинэн ытыллыбыт үөрэх үрдэтээһингэ уонна мастер- кылааска Анатолий Петровичтын баран кыттыыны ылан кэлбиппит. Ол онно, иккиэн тугу сатыырбытын көрдөрбүппүт, уонна элбэҕи көрөн, үөрэнэн билбиппит. Улуустартан учууталлар эмиэ кэлбиттэр этэ, бары даҕаны таһымнаахнаахтарын көрдөрбүттэрэ. Саамай улахан үлэбит 2019 сыллаахха буолбут улуустаабы World Skillss “молодые профессионалы” оҕолор күрэхтэригэр туой хайысхатын ытыаһына этэ. Ону тэрийээһингэ элбэх үлэ ытыллыбыта. Элбэх оҕо кыттыбыта, ким эрэ кыайыы өрөгөйүн билбитэ, ким эрэ ситиһитэ суох хаалбыта. Күрэх диэн оннук. Петрович үлэтигэр толору бэриниилээх уонна дьобурдаах этэ. Амма туойун үөрэтиигэ, уонна киэн эйгэбэ таһаарарга элбэх сыратын биэрбитэ диэтэхпинэ сыыспатым буолуо. Кини ыра санаата диэн туой суолтатын Аммаҕа эрэ буолбакка, бүтүн Саха сиригэр үрдүнэн үрдүк таһымна таһаарыы этэ. Кини Туой маастара үөрэхтээх буолан элбэҕи билэрэ- көрөрө, уонна сатыыра. ДДТ- га уонна Лицейгэ туойга үлэлэхэрэ, уонна куорат биир үрдүк үөрэһин кыһатыгар, лабораторияҕа Амма туойун ис туругун үөрэттэрэрэ. Мин киниттэн ити билиититтэн уон гыммыттан иккитин эрэ инэриммит буолуохтаахпын. Ол эрэн мин Анатолий Петрович Романовка махталым улахан, туой буор кистэлэнин сүрүнүн миэхэ сэгэппитигэр. Үтүө киһи аата- суола хаһан даҕаны сүппэттик үйэлэргэ хаалар!

Андрей Апросимов- Андо.